



# ქალაქ თბილისის მუნიციპალიტეტის საკრებულო



დადგენილება № 53-28

“ 18 ” თებერვალი 2020 წ

## ქ. თბილისი

„ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტის განვითარების სააგენტოს დაფუძნებისა და დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2020 წლის 24 იანვრის №52-1 დადგენილებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 პუნქტისა და „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ თბილისის მუნიციპალიტეტის საკრებულო ადგენს:

### მუხლი 1

შევიდეს ცვლილება „ქალაქ თბილისის მუნიციპალიტეტის საჯარო სამართლის იურიდიული პირის – ქალაქ თბილისის მუნიციპალიტეტის ტრანსპორტის განვითარების სააგენტოს დაფუძნებისა და დებულების დამტკიცების შესახებ“ ქალაქ თბილისის მუნიციპალიტეტის საკრებულოს 2020 წლის 24 იანვრის №52 1 დადგენილების (ყებგყერდი, [www.matsne.gov.ge](http://www.matsne.gov.ge), 28/01/2020; სარეგისტრაციო კოდი: 010250050.35.101.016675) მე-2 მუხლით დამტკიცებულ ქალაქ თბილისის მუნიციპალიტეტის საჯარო სამართლის იურიდიული პირის - ქალაქ თბილისის მუნიციპალიტეტის ტრანსპორტის განვითარების სააგენტოს დებულებაში და დებულების:

1. მე-3 მუხლის პირველი პუნქტის „შ“ ქვეპუნქტი ჩამოყალიბდეს შემდეგი რედაქციით:

„შ) საქართველოს ადმინისტრაციულ სამართალდარღვევათა კოდექსის 135-ე-135<sup>2</sup> მუხლებით, 135<sup>3</sup> მუხლის პირველი ნაწილით, 135<sup>4</sup> და 135<sup>5</sup> მუხლებით გათვალისწინებულ სამართალდარღვევებზე, საქართველოს კანონმდებლობით დადგენილი წესით, საჯარიმო ქვითრების ადმინისტრაციულ სამართალდარღვევათა ოქმების შედგენა;“

2. მე-8 მუხლის:

ა) პირველი პუნქტიდან ამოღებულ იქნეს „ი“ და „ს“ ქვეპუნქტები;

ბ) მე-8 პუნქტს, „ო“ ქვეპუნქტის შემდეგ, დაემატოს შემდეგი შინაარსის „ო<sup>1</sup>“ და „ო<sup>2</sup>“ ქვეპუნქტები:

„ო<sup>1</sup>) ადგილობრივი საქალაქო რეგულარული სამგზავრო გადაყვანის ნებართვის ფასის გადახდის მდგომარეობის აღრიცხვა და მისი გადახდის უზრუნველსაყოფად მოქმედი სამართლებრივი აქტებით გათვალისწინებული ღონისძიებების განხორციელება;

ო<sup>2</sup>) საქართველოს დედაქალაქის ადმინისტრაციულ საზღვრებში მსუბუქი ავტომობილით ტაქსით (M<sub>1</sub> კატეგორია) გადაყვანაზე დადგენილი წესის შესაბამისად ნებართვის გაცემა და გაუქმება ელექტრონული მისამართის: [www.taxi.tbilisi.gov.ge](http://www.taxi.tbilisi.gov.ge) მეშვეობით;“;

გ) მე 8 პუნქტის „პ“ „ჟ“ „რ“ და „ს“ ქვეპუნქტები ჩამოყალიბდეს შემდეგი რედაქციით:

„პ) საქართველოს ზოგადი ადმინისტრაციული კოდექსით დადგენილი წესით საჯარო ინფორმაციის გაცემის უზრუნველყოფა;

ჟ) საქართველოს ადმინისტრაციულ სამართალდარღვევათა კოდექსის 135-ე-135<sup>2</sup> მუხლებით, 135<sup>3</sup> მუხლის პირველი ნაწილით და 135<sup>4</sup> მუხლით გათვალისწინებულ სამართალდარღვევებზე, საქართველოს კანონმდებლობის შესაბამისად, საჯარიმო ქვითრების ადმინისტრაციულ სამართალდარღვევათა ოქმების შედგენაზე უფლებამოსილ თანამშრომლებზე მათი გაცემა და საჯარიმო ქვითრების ადმინისტრაციულ სამართალდარღვევათა ოქმების აღრიცხვის ჟურნალის წარმოება;

რ) საქართველოს ადმინისტრაციულ სამართალდარღვევათა კოდექსის 135-ე-135<sup>2</sup> მუხლებით, 135<sup>3</sup> მუხლის პირველი ნაწილით და 135<sup>4</sup> მუხლით გათვალისწინებულ სამართალდარღვევებზე საურავის დარიცხვის შესახებ დადგენილებების პროექტების მომზადება და სააგენტოს უფროსისთვის წარდგენა;


ს) საქართველოს ადმინისტრაციულ სამართალდარღვევათა კოდექსის 135-ე-135<sup>2</sup> მუხლებით, 135<sup>3</sup> მუხლის პირველი ნაწილით და 135<sup>4</sup> მუხლით გათვალისწინებულ სამართალდარღვევებზე საჯარიმო ქვითრის ადმინისტრაციული სამართალდარღვევის ოქმის შედგენიდან საქართველოს ადმინისტრაციულ სამართალდარღვევათა კოდექსის 270-ე მუხლის მე-2 ნაწილით განსაზღვრულ ვადაში საქართველოს შინაგან საქმეთა სამინისტროს შესაბამისი სტრუქტურული ქვედანაყოფისთვის ინფორმაციის გაგზავნა;“

დ) მე-10 პუნქტიდან ამოღებულ იქნეს „გ“ ქვეპუნქტი.

მუხლი 2

დადგენილება ამოქმედდეს 2020 წლის პირველი მარტიდან.

ქალაქ თბილისის მუნიციპალიტეტის  
საკრებულოს თავმჯდომარე



გიორგი ტყემალაძე